

沈乃文主編

明別集叢刊 第四輯

第五十二冊

黃山書社





國家出版基金項目
NATIONAL PUBLICATION FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第四輯

第五十二冊

黃山書社



(明)董應舉 著

崇相集十八卷

明崇禎刻本

董見龍先生集叙



文章之途多端而大要以真者為至六經之文無一字不真故萬世不磨周末號稱文勝其寢濃麗可喜者無如左國然而令列國之諸侯卿大夫刻畫其書如出一口則神情失矣其派至縱橫押盪談天雕龍誕罔謬悠無所不至吾夫子逆知其弊而揭其旨曰辭達達者非徒已有

是意而能言謂之達宇宙間有是事國家有是典章當官有是職守忠臣孝子達人高士名流哲匠下至田夫里婦有是懿懃吾能一一寫之筆端使讀之者如見其人如觀其事徵諸今而信諸後如是者始謂之達何則真故也真則理勝機流氣昌神王不待湊合而自中窾聲不事模擬而自合軌履不必雕績組

織而自成文采逸詩稱巧笑美
目而繼以素以為絢蓋言天質
自然色澤不施反極絢麗唐人
所謂却嫌脂粉污顏色蓋本諸
此此詩人之善言文也或曰若

是則凡真者皆可為文乎曰否
否巧笑美目雖出于天然而非
巧笑美目不足以為絢夫子固
云脩詞立其誠使詞不脩則里
巷村野之談耳何以為文吾讀

廷尉見龍公之文其辭沈雄奧
雅備極鑪錘可謂脩矣然而在
庠言庠在曹言曹在銓言銓大
之而國故朝常士風吏弊小之
而米鹽簿書竹頭木屑無不備

列語語由衷言言實際至于闡
發幽微抽揚小善曲折周詳千
載而下猶為動色即家人父子
交游知故尺牘單辭必依于道
義藹如洞如肝膽若披面目如

對也其撫景觸事發為詩歌尤
本于性情絕無近世詞人依倣
剽襲之態蓋公之韻言在陶謝
之間其議論之文似得昌黎眉
山之勝若紀載叙事則出入五

代史而浸淫馬遷所最不可及
者真境真情真事真語機軸結
撰皆出自胸中不寄人籀下古
之所謂成一家言者殆于公見
之吾閩近代以作者鳴無如遵

巖少谷二先生公復繼起而皆
官吏部故是奇事鄭詩取法少
陵王文原本歐曾當並垂不朽
要以指事達情本之身而不謬
措之天下國家而可行者其孰

能勝公哉在易坤為父二之光
三之章五之黃裳其文至矣然
二曰不習三曰舍皆有闇然之
意至于五則直曰在中夫惟在
中而後為天下之至文公生平

操脩建樹一出于真誠不欲表
暴文在中矣有真心術真作用
是以有真文章此黃裳之古逸
詩之所謂素而極天下之至絢
者也公自名其詩曰存素意蓋

可見余不能文而與公論文頗
合因公集成而題其端若此雖
不足知公抑亦庶幾于所謂真
矣

同郡葉向高撰

崇相集序

曩崇相兄集成未鐫命予校而序之予
逡巡未敢承曰予何人斯敢敘兄文且
不有少傳公序在乎已而予歸里中遭
家難六七季崇相兄又緘書以呂益軒
所鐫崇相集寄予且督敘予讀呂公序

詳確曲盡無以復加矣予雖未知文而
能知崇相之為人以崇相之人徵崇相
之文蓋綽有合者夫文者氣之鼓也氣
之剛柔大小舒肅婉直哀王長短緩急
而文亦隨之如風之觸物刁刁蕭蕭騷
騷切切其聲亦隨以變非可蓋也若吾

崇相蓋得其氣之浩然者乎其為人廉
直勁挺倜儻磊落視世若無足撓其心
者而信理必注事有不可於意斧鑕易
之其於人無論良儉生熟立吐肝鬲不
盡不止於賢者亦無面譽而陰薦甚力
有過必痛斥使改已復欣然雖素不相

二

能者有一事可稱欣贊如獲已寶故知
崇相者以為至寬其不知者以為難犯
故雖登朝而席不得煖里居者半矣歸
即閉門讀書討論千古得失及當世所
急纖悉鉤纂不屑為浮綺而幽鬱頓挫
玄遠淡泊霜落崖枯之旨亦時時寫之

於詩其為文雄深奧雅飄飄乎若崖谷
透蛇煙嵐霏疊忽而雷電交作忽而波
濤澎湃起立忽而天清日霽沈寥空廓
莫測其所以即不知崇相者讀崇相之
文亦莫不鼓舞駭服蓋其浩氣所鼓非
有意於為文而自無不文也自光岳分

三

而人無完氣獨孟夫子巖巖而七篇仁
義流注江河至唐韓子昌言排二氏而
文起八代之衰其文其人無不脗合其
氣象可以想見崇相其庶幾乎吾聞崇
相壯時客有以奇術見者能使酒盃徧
厯客案自相擊觸至崇相前則伏不敢

過術者色赭再叱之則盤旋退觸他案而伏即此觀之崇相之氣鬼神憚之矣能憚鬼神即以俟百世可也

天啓癸亥秋日友弟益都董可威撰

四

今

上執飛四十七年余既以將母還山晨昏之暇得友人崇相集而讀之因為刪十之一而壽諸梓一省同志如惺麓尹公鳳林孫公崇相門人胡君符各出貲助刷人費既竣役矣有客

序

過而問曰予之行是集也將以其文乎余曰否、夫日月之麗於天也江河之行於地也鳥鳴獸走果實草花之燦然於天地間也夫人而知之也然則以其人乎余曰否、夫玉之必不為石也淫之必不為渭也經霜彌

茂之松柏必不儕於望秋先零之蒲柳也。夫人而知之也。然則子之素何居。余曰：夢將以愧天。父然而人不可以行世也。而言行相顧之君子。貴雖然猶未也。夢又將以進夫人。然而父必求其然者。夫刺舟求劍膠柱鼓瑟者之不可以濟世也。而舍已從人之君子尤貴。所以明其然也。蓋余與崇相遊十年。從矣平生。宦履惟教授。五羊時未習其事。然而致禮正樂興廢。舉墜五羊人。能道之既轉南

序

二

雍則議禮一揭。守繩墨於陞步之間。以一廣父抗諸貴人。不為屈。比時崇相。胷中已多進賢。剗矣六年。不調坐席。欲穿此亦倔強之效。而一移計曹則糠粃之役。復力肩勞怨。以任之。嘗讀其待罪錄。稔良工之苦心。為假令司庾者。盡若而人。南國之儲。即歲羨數萬石可也。霜雪厚而梅花香草亦枯。而山根出人鏡天。曹庾幾位配其望。而忌者亦自此側目矣。猶記庚戌之春。余以報滿入春明。見其破籬漱棘。即閤禁不設。而人與終日言不敢

序

三

一及名利事至拔幽舉滯則又惟力
是視惟 國家是念絕不作畧域觀
也再起廷尉雖席未及溫而諸所平
反比於于它國不以身之將隳詘三
尺以徇人登籍二十餘年海上污邪
不給飭粥容膝之地半寄於蛇宮虎

序

四

穴之間而歷年俸入盡以充保障鄉
里敬宗收族之用宦轍所經過河諮
河過漕諮漕處局外如處局內遠慮
所及若疏海禁若策奴酋觀未事如
觀已事今其文具在可覆按也大者
奏議小者尺牘凡遇 社稷封疆治

亂安危喫緊處無不動色相戒若富
人子自護其家藏諄、與主伯亞旅
訓敕警盜備火之說者此其心何忍
哉故崇相之父與人臣言忠則其忠
也與人子言孝則真孝也與朋友言
信則真信也與為官者言愛人則真

序

五

愛人也語曰不徒知之實允蹈之云
曰惟其有之是似之崇相之謂歟
余故曰將以媿夫父然而人不无然
者乃余所謂人然而父必求其然者
則亦有說蓋凡入之情所喜者必其
性之所近而所求於人者必其性之

所喜故嗜痴而癖好等者不好瑟而
崇相不性本魚、雅、父弱一儒生
也而所操髯鼓類而快談者多武健
俠烈之事本矜、踦、擇言擇步之
人也而所傾筐倒篋而願交者乃斷
馳揮霍之豪本愛鱗愛羽山深林密
序
之人也而論人則取其委曲行志與
直前赴義者本善心一片豈弟為贊
之人也而論事則取其煩壯膽決威
以行惠者本獨來獨往堅壁固壘
人也而取材則網羅四出同異兼收
惟恐有一人焉不得為 國家優

之用本杜門掃軌公府不識面之人
也而桑梓之事知無不言、無不盡
即非其之原疑謗集焉而議必求其
伸事必求其濟而不顧其最難及者
處人交友之間面或非之而背乃譽
之外若拒之而中乃翼之周伯仁之
序
苦心不令人知人亦但見其可憚而
不見其可暱與可德蓋崇相之文
知者以為藻士之驚於名也其知者
以為奇士之喜於功介士之矜於節
也而皆非知崇相者崇相之文與人
乃時離合之以傳其可知不可知之

神余故曰將以進夫人往而文必求
其然者余又嘗慨天下國家之事敗
於小人者什一敗於君子者十九是
非同異之辨小人與君子相左易知
君子與君子相左難知也蓋小人之
骨柔其氣餒其願欲易售其營壘亦
易破惟君子之才品自不同而業已
為衆所推其自負也常亢而不肯以
於是為浮刺為褊淺為執拗局、於
一途不能舍已從人以佐國家之急
安得人、以崇相者而與之談明通
公普之學問哉此余之所以行其集

也於是客作而歎曰吾乃今而知子
所以知崇相乃以 國家之大與秉
彛之公雖知之而小阿其所私遂并
余言付諸棒
庚申春月友弟呂純如書于石湖草

堂

序

崇相集 目錄

疏一

感激時事疏

代表廉異疏

嚴海禁疏

查叅擅去諸臣初稿

條陳銓政疏

閩保留袁巡撫呂海道公疏

為死難蘇夢暘等乞贈廕疏

日變疏

大理求去疏

崇相集 疏一 目錄

請救毛文龍疏

危急效計疏

請較演處所疏

保衛神京疏

新命陳愚疏

先揀後屯疏

乞招遼兵知會疏

報安揀遼人丈給成數疏

安揀善後事宜疏

進遼冊疏

疏二

屯田務求實效疏

特表王兵道廉異

恭報屯地疏

報明分帑應急疏

請兌麥請屯兵疏

續報高粱疏

報稻疏

屯田協心疏

風勸捐義疏

屯餉合做疏

舉劾屯屬疏

進秩辭免疏

到任謝恩疏

分管堤工疏

請兵屯種弭盜疏

請舊撫家丁疏

恭慰疏

捐俸助工疏

崇相集 疏二 目錄

兩年支銷實數疏

屯田練兵省餉疏

奏繳三年屯田疏

明白州縣錢糧疏

查核州縣屯數完欠疏

三年報竣兩局疏

屯政善後疏

督鑄謝恩疏

鼓鑄急需切要疏

屯田局勢已成督鑄建局最急疏

錢法疏

遵勅立網取本并釐正隱伏疏

辦鹽院揭帖乞罷疏

明白立綱鋪網利害疏

辨私揭立綱始末疏

附兵部石主事題贈稿代

附請張鴻臚卹典疏代

崇相集 疏目錄

三

崇相集 疏

閩縣董應舉著 連江門人王舜發較

感激時事疏 乙巳六月南京國子監
考滿博士董應舉上

為感激時事僭陳憂危苦辭以資脩省以消釁
尤事臣聞君臣之義無所逃于天地之間人主
之威亦無所逃于蒼蒼之表臣起家細微乍入
仕版常願效死以報 國恩雖以冷糲下局不
忘溝壑伏見 國家邇來窮災極異無歲不謹
崇相集 疏一

陛下亦累發綸音誓脩實政竟無其實而天怒
愈甚謫見于郊此易所謂剥床以膚切近災也
加以北土氣候浸似南方兆亦非美其他徵應
皆為兵占而京城圯壞彌歲不脩貧者死災富
者死商根本之地景象蕭條咨怨不絕臣竊憂
之環視在事諸臣多圖自完無有侃然為
國家盡死分憂分謗者而幸變要功之徒方且
巧逢 上心表裏閹宦明樓之後侈言